

# Cola "izquierda plural" emigramos igual

**Primeru  
de  
mayu**

Llevamos más que tres años de gobiernu de coalición n'Asturies ente la FSA-PSOE y IU-BA y yá nun caben dulces sobre la llinia continuista d'esti gobiernu respecto a los cuatro anteriores del PSOE y los venti de presunta autonomía: voladura de los sectores básicos de la economía asturiana **ensin alternatives** productives reales; **marafundiu** de los fondos mineros n'obres faraónicas y operaciones **d'anestesia** xeneral de la población pa caltener la rede clientelar y el votu cautivu; apuesta pol monocultivu enerxéticu, d'altu coste ambiental y altu beneficiu pa la empresa privada; renuncia dafechu a desixir un autogobienru efectivu; marxinaición de la llingua asturiana... ¿En qué se noten les diferencies ente esti gobiernu y l'anterior? En qu'agora hai dos consejeros d'IU faciendo lo qu'anantes facín otros dos del PSOE.



Mentanto, la **emigración** sigue, y nun tenemos cifres fiables dafechu porque esti gobiernu fai tolo posible por tapeceles. Resulta estraño qu'Asturies seya l'únicu país de la Europa occidental onde'l problema políticu nun ye la inmigración, sinón la emigración. Lo meyor de la nuestra mocedá cola, diendo a trabayar fuera de la tierra onde nacieron y que los formó. Asturies ye la primer esportadora de mano d'obra especializao de tol Estáu. Como'l gobiernu asturianu yá nun pue tapecer lo que ye una rialidá evidente, fai de la necesidá virtú y, nun arranque de cinismu abluante, intenta convencenos de lo guapo que ye dir fuera y lo bonos que son ellos que mos educaron tan bien que podemos trabayar en cualisquier sitiu... menos nel nuestro país.

En Madrid, el gobiernu del PSOE, col sofitu cómpliz d'IU, aplica la **mesma política neolliberal del felipismu**, mazcarada de rollu progre chachiguai pa que quedemos contentos. Yá lo vimos cola LOE. La reforma llaboral va ser lo prósimu.

Acabar con esti modelu ye tan posible como necesario. Namás dende la **movilización**, namás que franciendo coles vieyes direcciones polítiques (PSOE-IU) y sindicales (CC.OO.-UGT) podrá'l pueblu asturianu encarar les continues agresiones que sufre, eso sí, mui progres. El pueblu francés, y especialmente la so mocedá, tán acabantes de

demostranos que cuando hai oxetivos claros y **voluntá de llucha**, ye posible derrotar les reformes lliberales y los gobiernos que les entamen. Francia marcó'l camín. Asturies tien que siguilu.

**Pol trabayu digne y la renta básica,  
non a la reforma llaboral**

**Pola Asturies productiva, non al monocultivu enerxéticu  
Pol futuru d'Asturies, non a la emigración**



[www.ias.as](http://www.ias.as)

[contacta@ias.as](mailto:contacta@ias.as)

Plaza Primo de Rivera, 5  
entesuelu, oficina 9

33111 Uviéu - Tlf/Fax: 985.11.20.97

[www.ias.as/mias](http://www.ias.as/mias)

[mias@ias.as](mailto:mias@ias.as)